

## ¿Jabesate?

Jume sochikim entok lemno kabaim wate yoreriamte buaye tuttulisi machim. Kobatante, buebueromte púsek koloptim siime kobatam lomtia, itom topa tebe entok wiloxko uxyolik yokiaka, naikimte massak kalakom entok tuuruayum.

Jume sochikim jimyoretekte itom masamte eetapo itom takawaw mayuachi woy masam chebukasi entok kopelausi senum beppa, wami yewweyye ju libelulai tiame latin nokpo yewweyye.

Jume lemnyo kabay entok jimyorebaretekte itom masam itom takawaw mesemesetia wate yoreriam itot susua, jinisite neneye sume sochikim amau bicha junete neneye jekapote jajapte, uttiante neneye.

Ju *odonato* tewam riego nokpo yew siika, tamekame tieubareka, siimete tuttulim tammek. Jaksate kananalaim jame sochikim entok jame lemnyo kabaim.

# Sochikim enton lemnyo kabaim

## ¿Jaikisate?

5,600 siime aniachi.  
350 siime mejikopo.

## ¿Jaksute jowak?

Tatta nasukte jowak, yun juyam ayukapo, bäm nasuku. Kette sawam nasuk jimyoyore.

Katte juyam buaye, tete amet jimyoyore, entok ama eusu bëchiibo entokte kuta nawammete wojoriam joju ama itom ili kabam jipubëchiibo wanay beja asuawakte wam ito susuaya.

## ¿Jachisute jiabsa?

Jume sechikim entok jume lemnyo kabaim jum wochim entok esperansam benasi katte base bolim benasi tomtomte itom jiabsi woy táakanam jipure; kabba entok *ninfa*, bápote jiabsa jume libelulam bronkiokate jume lemnyo kabaim entokte ili boampo jiabite, jibuante wamite yóoti itom jajonaa taxti, beja yoyotukté nëyekate jiabsa jume woy aniampote wate nabolim buaye, jita yoreriam junete baaye, ili woom sëborim, ili kutchum, ili batáachim itom temberiaite am wiwike.

Jume beja yoyowe yoreriam neeyenete wiwuiuktia. Jume entomologom sientifikom yoreriam enotaayatuame binwanatekam júuneyya, itapo jume awim itom buratate suaya katte wate awim itom jamachimmey rakraktitaa.

## ¿Jachise ara itom ania?

Katem jajoapo lúutia, unelem itom ania katem itom suaka, itom bitcha, ka itom toboktiabareka chée june itom ania táaya itet em táayariate watem etteswaria itapo uxyo liria naakuakte, yokia y aniat ayukame, empo entok itapote nawa bitnake.

## ¿Jita tuwamlasute jowa?

Júbua yoyyotukte yun wom buabuaye, ime kokuanfam weria, jume yoyyowete sëeborim buaye entok wáte yoreriam echim buayeme, unelite yoreriam ka tutturim lúutia; itomim ket kutchum buaye, wikichim, ento jume jiyokialerom itom yoyoka, jiojstelerom entok ket itot jiojioXte.

"Libelutat nekri Kurus kalakota natemfat Juya meséekeriamet biftume". José J. Tablada.